

瘍科秘錄

一

棗軒本間先生著

瘍科秘錄

自準亭藏

瘍科秘錄敘

常陸本間玄調和卿。視余為益友。常簡寄詩文。請鉛槧焉。傍觀之。清不唯弈碁。愚亦不遜辯。略加點竄。和卿欣然如心醉者。今茲八月卜居江戶。袖一編來視。蓋其積年所施。治療之見効。今絹綴之。顏曰瘍科秘錄。行文措

辭之失。煩予雌黃。鐫板問世云。

夫經籍滯義。詩文疵類。有人諮詢。不肖寧不竭兩端。軒岐之緒。余懵乎無解。則造語撰言。如或含畜。使人思索。或活筆揮霍。使一讀瞭然。豈敢代其大匠斲之。姑通讀一再。加刪潤塵。什一也。嗟和卿匪精神其道。有年所。

矣。宜夫。奏効烜赫。非_三二_二三榮之
所能收載耶。南紀華岳翁稱曠
世老工。四方遊士。雲從雨集。和
卿襍被自携。隨逐若干年。既獲_二
庋蘊。施治有_レ功。如_レ此其偉。蓋其
於翁。造詣雖深。別有_レ所_二發明。抑
有_レ以也。其意不_三專執_二一家。漫遊
遠涉。足蹟頗遍。而苦學勤業。以

此為娛。所謂秦府之裘。非一狐
之腋也。伊子褻美。非以其鍾多
耶。乃知此書必行矣。彼本間氏
起業之祖曰道悅。及今七世。乃
父積善。新得

水府寵聘。見列侍醫。和卿今且
以術鳴。繫仁之慶。發祥今日。豈
不昌哉。愚居儻名。則秦和之

稱瘵國。蒙莊之說屠龍。身任其責。如班醫上流。而薄宦祿仕。寔由不知辟穀之禁方已。自揆其力。何曾望於大用矣。今白首負笈。重螭于役。世有鄧禹其人。必且笑吾寡。是姑不問。近視本間氏之截癰割痔之速功于人。豈弗忸怩而屏營哉。

天保丁酉南至之日。江戸唐公
愷。識於姬路客舍之東廡。



六十二老人菱湖卷大任書



瘍科祕錄序

余嘗讀宋伍起予論至云菩薩心劊子手
以為瘍醫祕訣此二句盡之矣夫有菩薩
心而劊子手始可能施有劊子手而菩薩心
能為其用如極危極險之病可畏可愕之證
必從容處措咄嗟奏績者非二者兼全則
不能也世之以瘍醫名者多然未有如南紀

華岡青洲翁之最著也翁之於伎以神詣獨
造之妙得史跼元化之意搦搏抽割置之死地
而後生而所用之藥猶折衷古方不敢取異
端弔詭之說蓋於彼訣深相契者己余蚤與
翁之門人交聞翁為人踈宕不屑著書而其
門亦少載筆之徒每恐其術之久而為廣陵
散焉水戶本間和卿嚮在翁之門悉受其訣

身親試驗益有所得頃日表章師說著為若干卷刊印以傳翁之術於是乎遂不泯且和卿踵事加精博有考辨牖世之功顧不為鮮余因擊節嘉歎而亟頷其序焉抑學者嗜博駁為踳駁和卿善守翁之教勿取異端弔詭之說此余所望于和卿也

天保丁酉歲涂月江都醫官丹波元堅蒞庭撰

于奚暇精廬

柳灣七十七叟館機書

瘍科祕錄序

周官瘍醫。有祝藥。剗殺之齊。知古者瘍醫必有剗破抽割之術焉。不唯毒藥攻之也。顧術之精微。存諸其人。心悟之妙。發之於天機。非庸庸之徒。懸揣可為。是以互占而罕傳焉。近時南紀名醫華岡青洲翁。負曠世之逸才。卓然以此術噪天下。而世之人推為元和後一人也。友人本間和卿從之遊有年。悉受其祕訣。活人甚衆。頃者以其所得於師門。及其平生之所窮搜而遐摭。親試而目驗。著為瘍科祕錄若干卷。凡翁之祕術禁方。以至於外間所傳。苟裨于治瘍者。莫不兼談而具備焉。蓋翁之術之精微。於是乎為金

甌之永固。而和卿用心之勤且密。真繼千古之絕學也。余雖不知醫。而竊嘉翁之術之有深契于古。和卿之能恢張其師之道也。故於此書之成也。樂序而道之。不辭其禱昧也。

天保丁酉嘉平月穀旦南總海保元備百順識于江都傳經樓

江都 渡邊靛書

余從學青洲先生數年。歸鄉患痔漏。痔漏治法必用斷截術。不然則毫無全愈之理。但余之所患。瘡口與肛門相距約二寸五分餘。尤為險證。果可能斷截之否。斷之之後。又能無害否。皆未可知也。議之同學諸友及當世名流。皆以為不可。遂遙致書於青洲翁而問之。翁亦未能決。以廢人自居四年矣。一日慨然歎曰。夫痔漏治法者。余之平生之所試驗。而活人固已多矣。而身自嬰此病。而不能治之。遺恨何已。若得盡其治法。死亦不悔也。因決意斷之。服藥傳膏。不日得瘥。於是躍喜不自堪。著痔疾編。以述痔漏險證亦可。

斷截。將付諸梓。以示同好。後數月。又以眼疾廢業。無
以消閑。惟徵門人日談醫事耳。門人從傍筆之。積而
成編。更取曩所著之痔疾編。置之卷首。合為十卷。名
曰瘍科秘錄。凡先師之秘蘊奧旨。先祖道悅先生以
來。世所歷驗之神方。及余之漫遊於四方所驗之
一得。二十年間。所研精而默會之術。具舉而縷載之。
遂命剞劂。以公于世。語涉鄙俚。深愧博雅之誚。志期
濟世。庶無浮文妨要之失。刻成。因錄其所由如此。天
保八年。歲次乙酉。冬十二月。本間玄調和卿識。

瘍科秘錄總目

卷一

痔疾

痔漏

腸痔

脫肛痔

脈痔

內痔

牡痔

蟲痔

微痔

瘰癧

馬刀瘰

舌疽

乳岩

卷二

黥瘡

下疳

包莖下疳

便毒

楊梅瘡

結毒

卷三